

# THESES

QUAS,

JUBENTIBUS LEGIBUS ACADEMICIS,

STIPENDIARIORUM AD IMPERIALEM  
ACADEMIAM ABOËNSEM

EXERCITATIONI INSERVITURAS

PUBLICE PROPONIT

*ERICUS GABRIEL MELARTIN*

Philos. Doct. Theolog. Prof. P. O. Imp. Ord. de S:a Anna in II  
Classe Eques,

RESPONDENTE

*JACOBO JOHANNE LINDEQUIST*  
*Stipendiario Publico Wiburgense*

In Auditorio Theol., die XI Junii MDCCXXIII,

horis a. m. solitis.

---

ABOÆ, Typis FRENCKELLIANIS.

6.



### *Thes. I.*

**Q**uæ hominem in his terris degentem ad agendum excitant, stimulant, impellunt, varia, innumeræ res circumstantes, e triplici statione considerari, aut in tres quasi ordines describi possunt, pro ratione scilicet commercii, quod habeat, saltim habere sibi videatur homo, partim cum natura semet ipso inferiori, h. e. universo rerum sensibilium complexu, quæ vinculis mechanismi & organismi tenentur, partim cum natura sibi æquali, h. e. intelligentibus sui similibus, sibi cognatis, partim denique cum natura semet superiori, h. e. intelligentibus, quos extra orbem sensibilium vigentes opinetur, cogitat, sentiat.

### *Thes. II.*

Triplex igitur, ut singulis hominibus, ita universo generi humano, apertus est campus, in quo exspatiari viresque suas intendere atque exercere queat. Pariter triplici quoque respectu conatus nisusque virium humanarum semet exserentium, conflictu oppositarum sibique reluctantium rerum, repellantur, limitentur, coarctentur, necesse est.

### *Thes. III.*

E triplici ista statione si phænomena, quæ spectanda offert historia gentium, considerare, describere atque metiri volueris, facile observabis, diversam quidem esse rationem, qua tribus ipsis palmaris rerum momentis, quorum primum technicum, alterum politicum, tertium religiosum appellare liceat, alio aliter tempore agentibus, aliud quoque sibique dissimilem, pro locorum temporumque diversitate, habitum induerit status atque conditio mortalium; sed vero re accuratius pensitata, non casibus

fortuitis sed constantibus legibus regi, nec orbibus in se-  
met redeuntibus, sed progresione, quantumvis s̄apenu-  
mero interrupta ac retardata, ferri res humanas, tibi per-  
suadebis.

*Theſ. IV.*

Definiri ſcilicet poſſunt in historia culturæ generis  
humani diversa quaſi ſtudia, ſingula impressis cuique  
characteribus diſtincta, quæ, aliud poſt aliud, emenſæ  
ſunt gentes tam antiquiores quam recentiores, e nativa  
feritate egressæ, ubi certus quidam præ ceteris prævalens  
apparet universorum conaminum atque niſuum tenor,  
certis quibusdam præ ceteris vigentibus opinionibus, con-  
ceptibus, ideis, res dirigentibus, attemperatus. Quod ta-  
men non ita enuntiatum volumus, quaſi ſingula ſtudia  
ſingulæ percurriſſent gentes; cum alias longius proce-  
ſiſſe, alias in primis ſtationibus remanſiſſe conſtet.

*Theſ. V.*

Ævum antiquum h. e. antechr̄itanum, primo quidem  
obtutu, cyclum culturæ tam intellectualis quam religioſæ,  
moralis atque æſtheticæ ita abſolvitſe videtur, ut in gyro  
circumactum, eodem fere unde egressum fuerat, rediret.  
Quemadmodum enim antiquissimæ gentes Asiar, quarum  
mentionem facit historia, ferreo Despotiſmi arbitrarii at-  
que illimitati jugo preſlæ, ſemet ab humo attollere ne-  
quiverant, ita, regnantibus Imperatoribus Romanis, haud  
multo feliciori conditione degentes numerosiſimæ domi-  
natui eorum ſubjectæ nationes obtorpuiſſe ſenſim atque  
occalluiſſe cernuntur. Enimvero utcumque retrogrado  
jam ferretur cultura humana curſu, ſparsa tamen ſunt eo  
ipſo tempore lætioris olim ſegetis ſemina, jactaque oc-  
culto velut ævo fundamenta, exſtruendum ferius ocyus ma-  
gnificum consummatoris humanitatis ædificium iuſtentura,

*Theſ. VI*

Nimicum, quo quod palmarium primo loco refe-  
ra-  
mus, procurante Divina providentia factum est, ut inter  
perplurimas gentes, quas vasta ſua mole oppreſſas tene-  
bat Roma, caput terræ, populus Judaicus fama quam o-  
pibus, clarior, in angulo Asiar degens, Divinorum inde

a cana antiquitate oraculorum custos, quantumvis de pristino, quo exsplenduerat, gloriæ fastigio jam delapsus, avitæ tamen religionis ac constitutionis prærogativis etiamnum ferox, atque feliciorum temporum brevi instantium spe inflammatus, umbratili saltem sub alis aquilarum Romanarum libertate frueretur, vitamque politicam, utut languidam, traheret, donec e gremio ipfius repente profluisset scaturigo, unde rivulis uberrimis, universum olim orbem irrigaturis, semet diffusuræ erant salutis divinitus paratæ, pietatis, moralitatis, omnisque omnino veræ humanitatis ditissimæ copiæ. Quo facto, viventibus adhucdum multis mirabilium eventuum testibus, dispersis tamen jam hinc illinc per Imperium Romanum novæ lucis radiis, gens antiqua, peculiari olim Jovæ tutela superbiens, ægrotantem jam dudum in senescente corpore animam efflavit, defuncta scilicet honorabili provincia, quam ipsi præ ceteris gentibus administrandam demandaverat Divina providentia.

*Thes. VII.*

Deinde, qui historiam culturæ recentioris ævi ab antiquiore distinguit, quemque cum innumeris aliis beneficiis Religioni Christianæ acceptum refert genus humanum, Universalismus, Particularismo prisorum populorum vel cultissimum e diametro oppositus, quo scilicet omnes omnino homines, qua homines, cujuscunque demum sint stirpis, æqualium juriuum, officiorum, amoris ac benevolentiae vinculis consociari cernuntur, ejusdem quoque prima quasi rudimenta & incunabula jam in historia antiqua, præcipue in expeditionibus bellicis Alexandri Magni, in studio gentis Romanæ ad universale per orbem imperium tendentis, atque in consuetudine Romanorum jus civitatis etiam peregrinis concedendi, deteguntur.

*Thes. VII.*

Quæ denique etiam ope Religionis Christianæ plenius expressæ, illustratæ, Divina auctoritate confirmatae atque ipsa religionis institutione dispersæ fuere recentiore ævo, idæ libertatis naturalis, æqualitatis omnium ac singulorum coram lege, observantiæ homini qua homini debitæ, e. s. p. easdem in scholis quoque prisorum Sapientum, partim populariter, partim subtiliter satis expositas fuisse nemo ignorat; quamvis deficientibus antiquiori ævo, quæ recentiori contigerunt, adminiculis, eadem in vulgus hominum emanare fructusque adeo ubiores proferre nequiverant.